

Allannguutissatut siunnersuut

uunga

Uunga siunnersuut: Sanaartorneq pillugu Inatsisartut inatsisaata allanngortinneqarnera pillugu Inatsisartut inatsisaat Grønlands tekniske Organisationi pillugu Inatsisartut peqqussutaata allanngortinneqarnerat

(Sanaartukkani piusuni nukimmik sipaarniarluni aaqqissuussinerit kiisalu nuna tamakkerlugu Illuutit Inissiallu nalunaarsuiffiannik BBR-imik pilersitsinissamut Naalakkersuisunut piginnaatitsisut)

Pingajussaaneerinninnermut atatillugu Naalakkersuisunit saqqummiunneqartoq:

Inatsisartut inatsisaata qulequtaa

1. Inatsisissatut siunnersuutip qulequtaa imatut oqaasertalerneqassaaq:

”Sanaartorneq pillugu Inatsisartut inatsisaata allanngortinneqarnera aamma Grønlands tekniske Organisationi pillugu Inatsisartut peqqussutaata allanngortinneqarnera pillugit Inatsisartut inatsisaat

(Sanaartukkani piusuni nukimmik sipaarniarluni aaqqissuussinerit kiisalu nuna tamakkerlugu Illuutinik Inissianillu Nalunaarsuiffimmik IIN-imik pilersitsinissamut Naalakkersuisunut piginnaatitsisut)”

§ 1-imut

2. § 1, nr. 1-mi, § 1 imatut oqaasertalerneqassaaq:

” § 1. Inatsisartut inatsisaata siunertarivaa:

- 1) sanaartukkat ikuallattoornissaq, isumannaallisaaneq peqqinnissarlu eqqarsaatigalugit naammaginantumik toqqissisimanartunngorlugit sananeqarnissaasa ilusilerneqarnissaasalu qulakkeerneqarnissaa,
- 2) sanaartukkat nunaminertallu sanaartorfiunngitsut sanaartukkanut atasut atuinissamut siunnerfigineqartoq eqqarsaatigalugu naammaginantumik pitsaassuseqalernissaasa aammalu illersorsinnaasumik aserfallatsaaliorneqarnissaasa qulakkeerneqarnissaa,
- 3) sanaartukkat innarluutilinnut atoruminartunngorlugit ilusilersorneqartarnerisa siuarsarneqarnissaa,
- 4) sanaartukkat ilusilersorneqarnermikkut pitsaassusiisa siuarsarneqarnissaat,
- 5) iliussissat, sanaartukkani isumalluutinik pisariaqanngitsumik atuinissamut akiuissutaasussat siuarsarneqarnissaat,
- 6) sanaartukkani atortut avatangiisinut ajoqutaanngitsut atorneqartarnerisa siuarsarneqarnissaat, kiisalu
- 7) illuutinut inissianullu tunngasut ataqatigiissumik nalunaarsorneqartarnissaasa aqutissiuunneqarnissaa qulakkiissallugu.”

3. § 1, nr. 3-mi, kapitali 3 a imatut oqaasertalerneqassaaq:

”Kapitali 3 a

Illuutininik Inissianillu Nalunaarsuiffik

§ 17 a. Illuutininik Inissianillu Nalunaarsuiffik:

- 1) sanaartukkanut tunngasunik, sanaartukkani inissianut tunngasunik kiisalu teknikkikkut atortuutininut il.il. tunngasunik tunngaviusunik paasissutissartaqassaaq,
- 2) illuutit qaqugukkut sanaartorneqarsimanerat apeqqutaatinnagu illuutininut tamanut, matumani inissiat inuussutissarsiorfiillu kiisalu teknikkikkut atortuutit uuttuutillu il.il. nalunaarsuiffimmi nalunaarsorneqarsimasut ilanngullugit, ersarissumik nalunaarsuiffeqassaaq atortorissaarutit kiisalu
- 3) pisortani oqartussaasunut, inuinnarnut suliffeqarfinnillu paasissutissanik takunnissinnaatitsissaaq.

§ 17 b. Malittarisassat Naalackersuisunit aalajangersarneqartut malillugit kommunip killeqarfiani Illuutininik Inissianillu Nalunaarsuiffik kommunalbestyrelsip ingerlatissavaa.

Imm. 2. Illuutininik inissianillu kiisalu teknikkikkut atortuutininik il.il. nalunaarsuinermit pisariaqartumik ersarissuutitsinissaq pitsaassutsikkullu pitsaasuutitsinissaq, piginnittullu nalunaarutigisaannik nakkutiginnissalluni kommunalbestyrelsip qulakkiigassaraa. Illuutininik Inissianillu Nalunaarsuiffimmi paasissutissat pissutsinut piviusunut naapertuutinngitsut kommunalbestyrelsip malugippagu, paasissutissat nutarterneqarnissaat kommunalbestyrelsip isumagissavaa.

Imm. 3. Piginnittut nalunaarsuiffimmut nalunaarutaannik qanoq nakkutilliisoqarnissaannut Naalackersuisut malittarisassanik aalajangersaasinnaapput.

§ 17 c. Pisortani oqartussaasoq alla imaluunniit ingerlatseqatigiiffik namminersortoq Illuutininik Inissianillu Nalunaarsuiffimmi tamakkiisumik ilaannakortumilluunniit pilersitsinissaanik, ingerlatsinissaanik ineriartortitsinissaanillu Naalackersuisut piginnaatissinnaavaat. Oqartussaasoq imaluunniit ingerlatsivik nalunaarsuiffimmi qanoq pilersitsinissaanut, ingerlatsinissaanut ineriartortitsinissaanullu Naalackersuisut malittarisassanik aalajangersaassapput.

§ 17 d. Illuutininik Inissianillu Nalunaarsuiffimmi paasissutissat tulliuttut nalunaarsorneqassapput:

- 1) sanaartukkat ataasiakkaat ilisarnaataat, ukioq sanaartorfusoq, inissisimaffia, angissuseq, ilusaa, atortorissaarutit, teknikkimut tunngasut, nukimmik pilersuutit atornerarneralu, kiisalu
- 2) inissiat imaluunniit inuussutissarsiorfiit ataasiakkaat ilisarnaataat, ukioq sanaartorfusoq, angissuseq, ilusaa, atortorissaarutit, nukimmik pilersuutit atornerarneralu.

Imm. 2. sanaartukkanut tunngasunik, sanaartukkanilu inissianut tunngasunik kiisalu teknikkikkut atortuutininut il.il. paasissutissanik allanik, pisortani oqartussat suliaannut pingaaruteqarsinnaasunik

imaluunniit inuiaqatigiinnut allatigut soqutiginaateqartunik nalunaarsuisoqarnissaannik Naalakkersuisut malittarisassanik aalajangersaasinnaapput.

Imm. 3. Nalunaarsuinissami paasissutissat naammattut eqqortullu qulakkeerumallugit Naalakkersuisut kommunalbestyrelsilu paasissutissaasivinni allani paasissutissanik, Illuutunik Inissianillu Nalunaarsuiffimmi paasissutissanut ataqatigiissitsisinnaapput.

§ 17 e. Illuutunik Inissianillu Nalunaarsuiffimmik ingerlatsinermi paasissutissanik atugassanik pisortani oqartussat kiisalu illunik, sanaartukkanik il.il. nalunaarsorneqarsimasunik piginnittuusut paasissutissanik paasissutissiisarnissaannut Naalakkersuisut malittarisassanik aalajangersaassapput.

Imm. 2. Naalagaaffeqatigiinnermi oqartussaasut isumaqatiginninniarfigereernerisigut, illuutit teknikkikkullu atortorissaarutit il.il. Kalaallit Nunaanni naalagaaffeqatigiinnermi oqartussaasunit atorineqartartut pillugit paasissutissanik nalunaarsuisarnissamik Naalakkersuisut immikkut ittunik malittarisassiorsinnaapput.

§ 17 f. Pisortani oqartussat Illuutunik Inissianillu Nalunaarsuiffimmi takunnissinnaanerinit kiisalu Namminersorlutik Oqartussat ataanni pisortat ingerlatsinerinit, kommunillu Illuutunik Inissianillu Nalunaarsuiffimmik atuisussaataitaanerinit Naalakkersuisut malittarisassanik aalajangersaassapput

Imm. 2. Illuutit, inissiat teknikkikkullu atortorissaarutit il.il. pillugit paasissutissanik nalunaarsorneqarsimasunik atuuttunik suliffeqarfiit namminersortut il.il. inuillu takunnissinnaanerinit, matumani paasissutissanik killilimmik takunnissinnaanermut, paasissutissanillu takunnissinnaanermut akiliutissat pillugit Naalakkersuisut malittarisassanik aalajangersaassapput.”

4. § 1, nr. 4-mi, § 19, imm. 2 imatut oqaasertalerneqassaaq:

” *Imm. 2.* § 17 b malillugu nalunaarsuinermit atugassanik paasissutissanik pissarsiniarluni sanaartukkap silataanik takusaanissaq uuttortaanissarlu siunertaralugit, kommunalbestyrelsi eqqartuussivimmi aalajangiinertaqaangitsumik illunukarnissamik piumasaqarsinnaavoq. Paasissutissat piginnittup paasissutissiisutigissallugit pisussaaffigisaanni paasissutissanik annertuumik nikingasoqarneranik pasitsaassaqaarnermi, kommunalbestyrelsi illup iluanut alakkaaniarluni uuttortaanialunilu eqqartuussivimmi aalajangiinertalimmik illumukarsinnaavoq.”

§ 2-imut

5. § 2-mi aallaqqaasiineq imatut oqaasertalerneqassaaq:

”Grønlands tekniske Organisationi pillugu Inatsisartut peqqussutaanni nr. 8, 19. december 1986-imeersumi, Inatsisartut peqqussutaatigut nr. 18, 28. oktober 1993-imeersukkut, Inatsisartut peqqussutaatigut nr. 14, 6. november 1997-imeersukkut, Inatsisartut peqqussutaatigut nr. 5, 29. oktober 1999-imeersukkut, Inatsisartut peqqussutaatigut nr. 6, 21. maj 2002-meersukkut, Inatsisartut peqqussutaatigut nr. 10, 19. november 2007-imeersukkut kiisalu Inatsisartut

inatsisaatigut nr. 21, 21. november 2022-meersukkut allanngortinneqartumi, tulliuttut allanngortinneqassapput:”

Allannguutissatut siunnersuummut oqaaseqaatit

Nalinginnaasumik oqaaseqaatit

Allannguutissatut siunnersuuteqarnermi inatsisissatut siunnersuutip kalaallisoortani oqaatsinik ataasiakkaanik kukkunilinnik iluarsisooqarpoq.

Tamatuma saniatigut Illuutinin Inissianillu Nalunaarsuiffiup (Illuutinin Inissianillu Nalunaarsuiffik) kalaallisut taaguutaata aammalu kalaallisuuani naalisaanerup IIN-ip (IIN) eqqortup inatsisissatut siunnersuummi atornerqarnissaat, qulakkeerneqarput.

Inatsisissatut siunnersuummi aalajangersakkanut ataasiakkaanut oqaaseqaatit

Nr. 1-imut

Inatsisissatut siunnersuutip qulequtaata kalaallisoortani oqaatsit kukkunillit allannguutissatut siunnersuummi iluarsineqarput. Tamatuma saniatigut Illuutinin Inissianillu Nalunaarsuiffiup kalaallisut taaguutaa eqqortoq (Illuutinin Inissianillu Nalunaarsuiffik) aammalu kalaallisoortani naalisaataa IIN (IIN) inatsisissatut siunnersuutip ataani qulequttami atornerqarnissaat, allannguutissatut siunnersuummi qulakkeerneqarpoq.

Nr. 2-imut

Allannguutissatut siunnersuummi inatsisissatut siunnersuutip kalaallisoortani oqaatsit kukkunillit iluarsineqarput.

Nr. 3-imut

Allannguutissatut siunnersuummi inatsisissatut siunnersuutip kalaallisoortani oqaatsit kukkunillit iluarsineqarput (§ 17 c). Tamatuma saniatigut Illuutinin Inissianillu Nalunaarsuiffimmut (Illuutinin Inissianillu Nalunaarsuiffik) kalaallisut taaguutip eqqortup kapitali 3 a-mi tamatigut atornerqarnissaa qulakkeerneqarpoq.

Nr. 4-imut

Allannguutissatut siunnersuummi inatsisissatut siunnersuutip kalaallisoortani oqaatsit kukkunillit iluarsineqarput.

Nr. 5-imut

Allannguutissat siunnersuummi inatsisissatut siunnersuutip kalaallisoortani oqaatsit kukkunillit iluarsineqarput.